

發 刊 辭

謝 家 榮

中國地質學會於創辦之初，即發行會誌，刊載會員平時調查研究之所得，及每屆年會與常會宣讀之論文，因所載多為專門著作，為便於國際流傳計，率多用英德法三國文字發表，此實為不得已之辦法，非故為標新立異也。發行至今，已十有四年，年出四冊，共成一卷，無稍間斷；其初每年共不過二百餘頁，今則已達六百餘頁，其進步亦不可謂不速也。所載論文，包羅地質學術之全部，間亦略及其相關之科學如礦冶考古諸問題，在理論上實用上俱有重要之貢獻，而足供國內外地質同人之參攷。但中文刊物，至今尚付缺如，實為遺憾。夫一國學術之發表，豈能盡恃外國文字，此乃事理之至明者；況會誌所載，限於專門著作，至若通俗論文與紹介最新學說，則以限於體裁，無從闡入，此與學會以灌輸普通智識為職者，尚多未合，而本會之工作，似亦未盡達到其應賦之使命也。抑又有進者，近年來國內地質研究，突飛猛晉，各項報告論文之發表，日見增多，而尚無一隨時摘錄紹介之機會；至若國外學者之著作，則除閱外國雜誌外，更無法得其概要，為同人研究便利計，尤其在地質圖書不甚豐富之處，誠屬莫大之阻碍也。因此，本年春季在南京開第十二次年會之時，由理事會議決發行一中文『地質論評』，每二個月發行一冊，年共六冊，彙成一卷，內容除專門報告及論文外，亦擇錄一二通俗之

作，此外又注意於國內外地質書報之摘要，以供讀者之參攷；末復附以地質及相關機關之消息及地質界同人之近況，所以通聲氣而便切磋也。願本刊爲我國目下惟一之中文定期地質刊物，創刊伊始，業艱任重，編輯全人，學識淺陋，時虞隕越，所望海內同志，隨時匡正，并希源源賜稿，俾本刊得以發揚光大，則幸甚焉。

民國二十五年三月，故都。

中國地質學會會誌

本誌每年一卷分四期已出至第十四卷其十五卷之第一期亦已付印內載各地會員研究論文皆專門貢獻極有學術研究即中國學者留學論文及外國學者在華考察亦多旁採兼收實爲研究中國地質唯一重要刊物售價精裝本(卷一)三元(卷二)七元(卷三至卷七)各十元(卷八)十六元(卷九至卷十三)各九元不折不扣每期售價除將售罄各期各三元八卷三期六元外餘均二元學生以八折計算(精裝本除外)詳目函索即寄

總發行處 南京西華門 地質圖書館